



Broj: 11-16.6-3460-5-1/16  
Datum: 06.09.2016. godine

Na osnovu člana 64. stav (1) tačka a), člana 70. stav (1), (3) i (6) Zakona o javnim nabavkama („Službeni glasnik Bosne i Hercegovine“, broj 39/14), a na preporuku Komisije za javnu nabavku u skladu sa Zapisnikom o radu komisije broj: 11-16.6-3460-4/16 od 02.09.2016. godine, u otvorenom postupku javne nabavke roba: ~~Dizel gorivo prema BAS EN 590; Benzin BMB 95 bezolovni prema BAS EN 228 i Lož ulje ekstra lako prema BAS 1002, v.d. direktor Agencije za lijekove i medicinska sredstva Bosne i Hercegovine, d o n o s i~~

**ODLUKU**  
**o izboru najpovoljnijeg ponuđača**

1. Prihvata se preporuka Komisije za javnu nabavku u skladu sa Zapisnikom o radu komisije broj: 11-16.6-3460-4/16 od 02.09.2016. godine, te se Okvirni sporazum za javnu nabavku roba za **LOT 1- Dizel gorivo prema BAS EN 590; Benzin BMB 95 bezolovni prema BAS EN 228** dodjeljuje ponuđaču „Nestro Petrol“ a.d., Kralja Alfonsa XIII br. 9. 78000 Banja Luka, JIB 4400959260004, za ponudu bez PDV-a u iznosu od 71.905,00 KM, sa PDV-om 84.130,00 KM, kao najbolje ocijenjenom ponuđaču.
2. Prijedlog Okvirnog sporazuma o nabavci dostavit će se na potpis izabranom ponuđaču „Nestro Petrol“ a.d., Kralja Alfonsa XIII br. 9. 78000 Banja Luka, po proteku roka od 15 dana, računajući od dana kada je ponuđač obaviješten o izboru najpovoljnije ponude i po predhodno pribavljenom mišljenju Pravobranilaštva Bosne i Hercegovine.
3. Za izvršenje ove odluke zadužuje se Sektor za pravne i opšte poslove i Sektor za finansijske poslove.
4. Ova odluka objavit će se na web-stranici [www.almbih.gov.ba](http://www.almbih.gov.ba), istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.
5. Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama, zajedno sa Zapisnikom o ocjeni ponuda u skladu sa članom 65. stav (2) Zakona o javnim nabavkama.

**O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke broj: 11-16.6-3460-1/16 od 12.07.2016. godine.

Javna nabavka je provedena putem otvorenog postupka.

Procijenjena vrijednost javne nabavke roba za LOT 1- Dizel gorivo prema BAS EN 590; Benzin BMB 95 bezolovni prema BAS EN 228, iznosila je 85.000 KM bez PDV-a.

Postupak nabavke je objavljen u Informacionom sistemu „e-nabavke“ Agencije za javne nabavke BiH dana 14.07.2016. godine, obavještenje o nabavci broj: 5-1-1-141-3-54/16, a dodatno obavještenje je objavljeno u „Službenom glasniku BiH“, broj 53 od 22.07.2016 godine. Ispravka Tenderske dokumentacije u Informacionom sistemu „e-nabavke“ Agencije za javne nabavke BiH, objavljena je u dva navrata 19.07.2016. godine i 03.08.2016. godine kojom je prilikom rok za dostavu i otvaranje ponuda u skladu sa članom 53. stav 6. Zakona o javnim nabavkama pomjeren za po sedam dana, na 19.08.2016. godine, odnosno na 26.08.2016. godine.

Iz Informacionom sistemu „e-nabavke“ Agencije za javne nabavke BiH, Tendersku dokumentaciju su preuzeli slijedeći ponuđači:

1. Petrol BH OIL COMPANY d.o.o. Sarajevo	4200056290005	14.7.2016.
<del>2. G-Petrol d.o.o. Sarajevo</del>	<del>4209277550009</del>	<del>14.7.2016.</del>
3. Infostrim d.o.o.	109040320	14.7.2016.
4. BBS Europe	4403188520008	14.7.2016.
5. SUPER PETROL DOO BANJALUKA	4401153740002	15.7.2016.
6. Nestro Petrol a.d. Banja Luka	4400959260004	15.7.2016.
7. BTG d.o.o. Tomislavgrad	4281126610002	15.7.2016.
8. HIFA D.O.O. TEŠANJ	4218015000007	15.7.2016.
9. GREEN OIL D.O.O.	4200851420006	15.7.2016.
10. HIFA PETROL D.O.O. SARAJEVO	4200999090005	16.7.2016.
11. Nevistić Commerce d.o.o. export-import Tomislavgrad	4281037430009	16.7.2016.
12. KRAJINAPETROL AD BANJA LUKA	4400926330007	28.7.2016.
13. HOLDINA DOO	4200068200001	28.7.2016.

Rok za dostavljanje ponuda po drugoj izmjeni tenderske dokumentacije bio je do 26.08.2016. god. do 13:00 sati.

Komisija za javne nabavke imenovana je Odlukom broj: 11-16.6-3460-2/16 od 12.07.2016. godine. Ista je u skladu sa članom 63. Zakona o javnim nabavkama i članom 9. stav 2. Poslovnika o radu komisije broj: 11-16.6-3460-2-1/16 od 26.08.2016. godine izvršila otvaranje uredno zapakovanih i u roku pristiglih ponuda za javnu nabavku roba za LOT 1- Dizel gorivo prema BAS EN 590 ; Benzin BMB 95 bezolovni prema BAS EN 228, dana 26.08.2016. godine u 13:30 sati, u prostorijama Agencije za lijekove i medicinska sredstva Bosne i Hercegovine u Banjaluci, te u Zapisniku sa otvaranja ponuda konstatovala da su ponude dostavili slijedeći ponuđači i to :

LOT 1- Dizel gorivo prema BAS EN 590; Benzin BMB 95 bezolovni prema BAS EN 228

1. „Petrol BH Oil Company“ d.o.o. , Tešanjka 24A, 71000 Sarajevo, JIB 4200505350000, cijena ponude 47.760,00 KM bez PDV-a ( 44.416,80 KM bez PDV-a sa popustom od 7 %) i udaljenosti BP u Banjoj Luci 4 km, u Sarajevu 6,5 km i u Mostaru 3,5 km.
2. „Nestro Petrol“ a.d., Kralja Alfonsa XIII br. 9. 78000 Banja Luka, JIB 4400959260004, cijena ponude 76.495,00 KM bez PDV-a ( 71.905,00 KM bez PDV-a sa popustom od 6%) i udaljenosti BP u Banjoj Luci 1 km, u Sarajevu 1,5 km i u Mostaru 30 km.

Na javnom otvaranju ponuda nije prisustvovao niko od strane ponuđača i drugih zainteresovanih lica.

Komisija za javnu nabavku dostavila je dana 05.09.2016. godine Zapisnik o radu komisije i ocjenu ponuda broj: 11-16.6-3460-4/15 od 02.09.2016. godine, koji je ujedno i izvještaj o radu Komisije. U Zapisniku o radu komisije se nalazi i izvještaj o ocjeni ponuda sa preporukom o izboru najpovoljnijeg ponuđača.

U istom je navedeno, da je Komisija u daljem radu na zatvorenoj sjednici dana 29.08.2016. godine, pristupila pregledu i analizi dokumentacije priložene uz ponudue ponuđača u smislu provjere njene validnosti, obzirom na iskazane kvalifikacione i ostale zahtjeve Ugovornog organa u Tenderskoj dokumentaciji u otvorenom postupku javne nabavke roba, te na osnovu istog konstatovala sledeće:

U ponudi ponuđača“ **Petrol BH Oil Company“ d.o.o. , Tešanjka 24A, 71000 Sarajevo** za LOT 1 za javnu nabavku roba: Dizel gorivo prema BAS EN 590; Benzin BMB 95 bezolovni prema BAS EN

228, u uredno zapakovanoj koverti koja je dostavljena na protokol Agencije dana 18.08.2016. godine u 9:30 sati, nakon otvaranja iste ustanovljeno je da je ponuđač dostavio samo „original“ ponudu, odnosno da isti nije dostavio i zahtjevanu „kopiju“ ponude.

Tačkom 16. Tenderske dokumentacije – Način dostavljanja kopija i originala u stavu 5. stoji „Ugovorni organ od ponuđača zatijeva pored originala i jednu kopiju ponude, koja se dostavlja zajedno sa originalnom ponudom. Ponuđač u ovom slučaju jasno naznačava „original“ i „kopija“ ponude“.

Obzirom da ponuđač „Petrol BH Oil Company“ d.o.o. Sarajevo nije dostavio zahtjevanu od strane Ugovornog organa „kopiju“ ponude, Komisija je na zajedničkom sastanku održanom dana 30.08.2016. godine, putem savjetodavne pomoći u Agenciji za javne nabavke putem telefona broj 051/227-340 u 13:13 sati zatražila pomoć upućivanjem pitanja u vezi sa gore navedenim propustom ponuđača i tom prilikom je u telefonskom razgovoru koji se snima, od strane savjetodavca Agencije saopšteno Komisiji, da sve što je Tenderskom dokumentacijom Ugovorni organ tražio, a ponuđač nije dostavio u svojoj ponudi, je razlog za odbacivanje ponude.

S tim u vezi Komisija je jednoglasno zauzela stav da se ponuda ponuđača „Petrol BH Oil Company“ d.o.o., Tešanjka 24A, 71000 Sarajevo za javnu nabavku roba: LOT 1 - Dizel gorivo prema BAS EN 590; Benzin BMB 95 bezolovni prema BAS EN 228, odbaci kao tehnički nekompletna u skladu sa članom 68 stav 4 pod i) Zakona o javnim nabavkama, obzirom da ponuda nije potpuna i ne ispunjava tražene zahtjeve iz tenderske dokumentacije.

Isto tako, obzirom da je ponuda ovog ponuđača bila daleko niža od procijenjene vrijednosti nabavke i ponude drugog učesnika, Komisija je konstatovala i utvrdila da postoji računska greška u obrascu za cijenu ponude robe- Prilog III na stavci 2 gdje je ponuđač dao vrijednost za količinu od 2.000 lit. umjesto za količinu od 20.000 litara koliko je traženo u specifikaciji Obrasca za cijenu ponude-robe, Prilog III, ali Komisija nije tražila ispravku računске greške od ponuđača, obzirom da je zbog gore navedenog nedostatka već odbacila ponudu ovog ponuđača.

Također, Komisija je u svom izvještaju navela informativno i određenu nejasnoću oko važećeg cjenovnika, odnosno da je ovaj ponuđač na stranici 42, 43,44, i 45 svoje ponude dostavio cjenovnik, odnosno OPC obrasce za dizel gorivo i benzin za BP najbližu Ugovornom organu u Sarajevu, kao i kopije fiskalnih računa za dizel gorivo i benzin za BP najbližu Ugovornom organu u Banja Luci, dok je Ugovorni organ izvršio 03.08.2016. godine izmjenu Tenderske dokumentacije kojoj stoji „Traženi dokaz pod tačkom 13.2 za LOT 1 tenderske dokumentacije, a koji se primjenjuje na ocjenu ponude za ovaj LOT, ispravlja se i glasi: **Dobavljač je u obavezi da dostavi važeći OPC obrazac ili drugi adekvatan obrazac-trenutno važeći cjenovnik za benzinsku pumpu koja je najbliža lokaciji ugovornog organa u Banjoj Luci ILI u Sarajevu**“. Kako je u Obrascu za cijenu ponude – robe, Prilog III ovaj ponuđač unio cijene sa kopija fiskalnih računa za dizel gorivo i benzin bezolovni za BP najbližu Ugovornom organu u Banja Luci, koje su niže od cijena u OPC obrascu ( dizel BAS EN 590 MPC 1,85 KM u OPC obrascu za BP u Sarajevu, 1,74 KM u kopiji fiskalnog računa za BP u Banjoj Luci i za benzin bezolovni BMB 95 BAS EN 228 1,90 KM u OPC obrascu za BP u Sarajevu, 1,79 KM u kopiji fiskalnog računa za BP u Banjoj Luci), ovo bi bio problem u kontrolisanju promjena cijena goriva kod realizacije okvirnog sporazuma, zbog čega je Ugovorni organ i izvršio izmjenu Tenderske dokumentacije, da se dostavi u ponudi trenutno važeći cjenovnik za benzinsku pumpu koja je najbliža lokaciji ugovornog organa u Banjoj Luci ILI u Sarajevu, obzirom da bio se po tom trenutno važećem cjenovniku ( iz Obrasca za cijenu ponude-robe, Prilog III na dan objavljivanja obavještenja o nabavci u sistemu javnih nabavki) vršila korekcija cijena goriva pri realizaciji okvirnog sporazuma.

Ponuda drugog ponuđača „Nestro- Petrol“ a.d. Banja Luka , za javnu nabavku roba za LOT 1: Dizel gorivo prema BAS EN 590; Benzin BMB 95 bezolovni prema BAS EN 228, prema zapisniku komisije je ispunjavala sve formalno-pravne i tehničke uslove, odnosno zahtjeve Ugovornog organa koji je isti zahjevao u Tenderskoj dokumentaciji, te je Komisija pristupila vrednovanju iste ponude, odnosno utvrđivanje broja bodova na osnovu kriterija ekonomski najpovoljnije ponude.

**LOT 1- Dizel gorivo prema BAS EN 590 i Benzin BMB 95 bezolovni prema BAS EN 228  
( Cijena 90 bodova , Operativni troškovi 10 bodova)**

Red. br.	Ponuđač	Vrijednost bez PDV-a i bez popusta	Popust bez PDV-a	Vrijednost ponude bez PDV-a sa popustom	Vrijednost ponude umanjene za preferencijalni faktor od 15% (samo u svrhu poređenja ponuda)	Bodovi za cijenu (90%)	Bodovi za operativne troškove (10%)	Ukupno bodovi
1.	„Nestro Petrol“ a.d. Banja Luka	76.495,00	6% ili 0,0918KM/lit	71.905,00	61.119,25	90,00	10,00	100,00

Vrednovanje operativnih troškova je izvršeno na osnovu udaljenosti najbliže raspoložive pumpe od navedenih sjedišta Ugovornog organa u Banoj Luci ( 3/6), Sarajevu (2/6) i Mostaru (1/6), za udaljenosti benzinskih pumpi kako su ponuđači naveli u svojim izjavama. Komisija nije vršila dodatnu provjeru navedenih udaljenosti u ponudi ovog ponuđača, obzirom da se samo ovaj ponuđač kvalifikovao za dalju evaluaciju i ocjenu ponuda. Ocjena ponude i izračunavanje bodova po osnovu operativnih troškova Komisija je izvršila nprema formulama datim u tački 21. – Kriteriji za dodjelu ugovora za LOT 1 Ekonomski najpovoljnija ponuda pod 2. Operativni troškovi.

**Obračun udaljenosti BS za ponuđača „Nestro Petrol“ a.d. Banja Luka**  
 Banja Luka –BS Borik, Bulevar Srpske vojske 3., udaljenost 1 km -10 bodova,  
 Sarajevo – BS Lukavica, Nikole Tesle 52., udaljenost 1,5 km - 10 bodova  
 Mostar –BS Nevesinje, Rade Radovića br.1 , udaljenost 30 km- 0 bodova  
 $Ott = (3/6 \times 10 + 2/6 \times 10 + 1/6 \times 0) : 3 = (5 + 3,333 + 0) : 3 = 2,77766$

Ot za „Nestro Petrol“ a.d. Banja Luka  
 $Ot (2,77766 \times 10) : 2,77766 = 10,00$  bodova

Komisija je predložila Ugovornom organu da u otvorenom postupku javne nabavke roba za **LOT 1- Dizel gorivo prema BAS EN 590 i Benzin BMB 95 bezolovni prema BAS EN 228**, na osnovu kriterija ekonomski najpovoljnije tehnički zadovoljavajuće ponude iz člana 64. stav (1) pod a), u skladu sa članom 69. stav (1) pod a) i člana 70. stav (1) Zakona o javnim nabavkama, postupak javne nabavke okonča donošenjem Odluke o izboru najpovoljnijeg ponuđača i zaključivanjem Okvirnog sporazuma na 24 mjeseca sa ponuđačem „Nestro Petrol“ a.d., Kralja Alfonsa XIII br. 9. 78000 Banja Luka, JIB 4400959260004, za ponudu u iznosu od od 71.905,00 KM bez PDV-a / 84.130,00 KM sa PDV-om.

U postupku donošenja ove odluke, posebno su cijenjene činjenice da je Komisija za javne nabavke, pravilno i potpuno, izvršila ocjenu kvalifikovanosti ponuđača i ostalih zahtjeva Ugovornog organa, te ocjenu prispijele ponude, shodno kriterijima i zahtjevima iz Tenderske dokumentacije.

U postupku ocjene provedenog postupka, rukovodilac ugovornog organa nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i Tenderskom dokumentacijom.


Iz navedenih razloga, primjenom člana 64. stav (1) tačka a) Zakona o javnim nabavkama, odlučeno je kao u dispozitivu.

#### POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

#### Dostaviti:

1. Ponuđačima,
2. Komisiji za javne nabavke,
3. Sektoru za pravne i opšte poslove,
4. Sektoru za finansijske poslove,
5. web-stranica,
6. a/a



Veljka Mladenovića bb, 78000 Banja Luka  
Centrala: +387 51 456 040; 456 050  
Fax: +387 51 450 30  
E-mail: info@almbih.gov.ba  
[www.almbih.gov.ba](http://www.almbih.gov.ba)

Вељка Млађеновића бб, 78000 Бања Лука  
Централа: +387 51 456 040; 456 050  
Факс: +387 51 450 30  
E-mail: info@almbih.gov.ba  
[www.almbih.gov.ba](http://www.almbih.gov.ba)